

HARVARD COLLEGE LIBRARY  
FROM THE  
HARVARD-YENCHING  
INSTITUTE  
JUN 30 1930

14


*Chk 25 61 / 117 181*

*Chk 30 03 / 26 24 81*

1786/4204

# 大成通志

十二卷先聖世家下



大成通志卷十二 先聖世家下目錄

長孫至國文十世凡三十九條 附慶說一

昭儉至季紳十世凡六十五條 附慶說二

慶得至承慶十世凡七十七條 附慶說一

以敬至毓瑛六世凡三十一條 附錄一 附慶說三





書十五卷，諡曰貞。

黃帝七十九世，孔子三十二代孫，長孫之子，英愬，陳光大元年，改封奉聖侯，早卒。

英愬弟，嗣愬，隋文帝初，應制登科，授涇州司兵參軍，遷太子通事舍人，大業四年，襲爵，改封紹聖侯，食邑一千戶。

閻六世孫，幼孫子，貞，字休文，少孤，為叔父虔孫，育得成材，好學，善屬文，博物強識，仕梁為議曹郎，累遷中書舍人，尋陞五部尚書，終紫金大夫，卒年七十，有文集。

揚九世孫，安之子，頽達，字冲遠，一字仲達，八歲日誦千餘言，及長，明左氏春秋，王氏易，鄭氏詩書三禮，隋大業初，明經高第，授

河南內郡博士，徵東都令，補太學助教，會亂，避地武牢，唐太宗

引為秦府文學館學士，貞觀初，封曲阜縣男，轉給事中，數進忠

言，六年，除國子司業，遷太子右庶子，與諸儒議曆及明堂，又與

魏徵撰隋史，加散騎常侍，修定五禮，衆有所疑，咸決於仲達，書

成，進爵為子，以在東宮，數有諫議，拜國子祭酒，仍侍講東宮，太

宗幸國學，命講孝經，又受詔撰定五經正義，凡一百八十卷，貞

觀十七年，致仕，圖形凌烟閣，讚曰：道光烈第，風傳闕里，卒，贈太

常卿，諡曰憲，陪葬昭陵。

黃帝八十世孔子三十三代孫嗣哲子德倫唐高祖武德九年改封褒聖侯太宗貞觀十一年詔朝會俱位同三品食邑一千戶

與子紹安少與兄紹新俱以文學知名隋大業末爲監察御史唐高祖拜內史舍人賜宅一區詔撰梁史未成而卒有集五十卷

與少子紹忠有才學位太子洗馬

穎達子志元仕唐國子司業

穎達次子志約仕禮部郎中

穎達少子志亮仕中書舍人

黃帝八十一世孔子三十四代孫德倫之子崇基唐嗣聖中襲封褒聖侯神龍初授朝散大夫陪祭朝會

紹安子禎舉進士仕蘓州長史遷絳州刺史封武昌縣子卒諡

曰溫

志元子惠元爲國子司業

志約子琮仕洪州都督

黃帝八十二世孔子三十五代孫崇基之子璿之字藏暉唐開元初襲封褒聖侯特授四門博士蔡州長史二十七年改封文

宣公位於二品之下，除兗州長史，遷都水使者，食邑一千戶。  
禎子季詡，早知名，登科。

紹安孫若思，早孤，母稽氏躬教訓，以學行知名。初授給事中，  
宗朝轉禮部侍郎，出為衛州刺史，以清白稱，加銀青光祿大夫，  
歷汝州刺史，太子右諭德。

黃帝八十三世孔子三十六代孫璩之七子萱，襲封文宣公，兼  
泗水令。

黃帝八十四世孔子三十七代孫萱之子齊卿，唐德宗建中三  
年襲封文宣公，兼除兗州功曹參軍，轉青州司兵參軍。

穎達族弟孫如珪子巢父，字弱翁，少時勤文史，博辯多智，與韓  
準、裴政、李白、張淑明、陶沔隱於徂萊山，號竹溪六逸。永王璘起  
兵，聞其賢，以從事辟之，巢父側身潛遁，由是知名。累授歸州刺  
史，入為諫議大夫。會晉王為荆襄副元帥，署行軍司馬，兼御史  
大夫，遷招討使，累獻破賊策，德宗賞之，贈為尚書左僕射，諡曰  
忠。

黃帝八十五世孔子三十八代孫齊卿之子惟晳，唐憲宗元和  
十三年，東平丘解歸魯，授兗州參軍，襲封文宣公。

休源雲孫齊參子克符，與兄克讓事親至孝，俱隱嵩山。

齊參少子，述睿。劉晏薦於代宗，稱為顏閔之行。德宗召拜諫議大夫，卒年七十有一。

穎達，雲孫。岑父子。幾，字君嚴，登進士，節度使盧羣辟為從事，入為侍御史。憲宗元和初，累遷諫議大夫，儼然忠謹，有諫臣體。以方嚴見憚於朝，俄兼太子侍讀，改給事中，權尚書右丞。明年，拜左丞，改華州刺史，潼關防禦使，入為大理卿，改國子祭酒。十二年，授廣州刺史，嶺南節度使，剛直清儉。十五年，遷吏部侍郎。穆宗初，改右散騎常侍。二年，復為尚書左丞，數上疏請老，詔以禮部尚書致仕，諡曰貞。

幾之弟，戡，字君勝。方嚴有家法，重然諾，尚忠義，登進士第。自金吾衛錄事為大理評事，與盧從史相反，謝病歸。洛陽李吉甫召為賓佐，從史聞之，怒，上疏請貶逐。憲宗授衛尉丞，分司洛陽，詔下給事中呂元膺以為不可，上曰：「朕豈不知戡行將用之矣，未幾卒。」贈司馬員外郎。

戡之弟，戡，字方舉，擢明經，登第，授校書郎，累拜監察御史，遷京兆尹，出刺汝州，又刺潭州，遷湖南觀察使。時兄幾為嶺南節度使，兄弟節鎮，朝野榮之。入為散騎常侍。尹京兆歲旱，文宗憂甚，戡禱曲池，一夕大雨，帝悅，詔兼御史大夫，卒，贈工部尚書。

黃帝八十六代孔子三十九代孫惟旺之子策明經及第歷少府監主簿國子監丞襲封文宣公遷國子尚書博士

述睿子敏行少修潔元和五年及第歷諫議大夫集賢學士

戮子溫裕舉進士位天平軍節度使咸通四年捐資葺廟宇

戢之子溫業長慶初及第宣宗大中時為吏部侍郎求外遷宰

相白敏中顧同列曰吾等可少驚孔吏部不樂居朝矣後為太

子賓客

黃帝八十七世孔子四十四代孫策之子振字國文懿宗咸通四

年狀元及第除秘書省校書郎歷監察御史左補水部員外郎

### 襲封文宣公

策次子拯字弘濟中和二年狀元及第歷侍郎

戮之孫溫質之子絢咸通二年及第乾符三年除丹陽令因家

焉

縵字微夫咸通四年狀元及第

緯字化文大中十二年狀元及第除觀察判官歷遷集

賢直學士翰林學士中書舍人御史中丞歷戶兵吏侍郎從僖

宗幸蜀改刑部尚書判戶部事還京授御史大夫又從幸梁拜

中書門下平章事駕還進左僕射賜號持危啟運保義功臣食



九原通志卷十二  
邑四千戶，賜鐵券及天興縣莊，善和里宅各一區。昭宗進加司空，開府儀同三司，位司徒，封魯國公。進兼太保，坐事後刺華州。乾寧中，召用骨鯁正人，復拜司空，兼門下侍郎、同平章事。以疾乞歸田里，帝詔使者送至中書視事，會駕出幸石門，緯從至莎城疾篤，先還京師。家人召醫，緯曰：「天下方亂，何求久生？未服藥，卒於光德里第。」贈太尉，緯尚節義，秉禮不屈。孔氏裔自元和後，兄弟貴顯，至正卿方鎮者幾千人，而緯則登台輔矣。  
溫業子晦，咸通十二年明經及第，歷吏部侍郎。戢之孫溫諒子績，唐僖宗文德初為吉州推官，因家新淦。

附論曰：慶欽仰至聖裔，見三十一代來，其間之傳步而明經者，有穎達、蓋賢者也。忠言讜論，又有戢後先、媿美者也。以學行知名者，若七思、若巢父，以文學知名者，休文、紹新、紹安，諸人。以才學知名者，嗣恣、國文、紹忠、昌寓、季詡，諸人。稱方直則曰戢，稱節義則曰緯，稱人倫之表則曰休文，稱顏閔之行則曰述、睿，孝親而高隱者，一則稱克讓，再則稱克符，斯兩人者，實天生羽翼而志同道合者也。至於蟬聯科第，繼世流芳，藹藹濟七，何其甚也。慶謂文也，而行在其中矣。凡十世內，賢哲挺生，非聖裔其孰能愈於斯。

黃帝八十八世孔子四十一代孫振之子昭儉仕南陵尉授廣文館學士兗州司馬除秘書郎襲封文宣公累宰曲阜績之子昌明字昭儀進士及第

溫業孫昊之子昌廉進士及第爲虞部郎中

緯之子昌弼進士及第終散騎常侍

晦之子昌序進士及第終散騎常侍

幾曾孫織之子邈進士及第終諫議大夫

仲良唐蕭田令卒於官因家焉宋淳祐中官司勅涌光書院建先聖殿又立聖胄莊以教養子孫

黃帝八十九世孔子四十二代孫昭儉之子光嗣哀帝天祐二年由齊郎授泗水令陵廟主五季之亂未襲封年四十二爲泗掃戶孔末所害

黃帝九十世孔子四十三代孫光嗣之子仁玉字溫如身長七尺姿貌異常善六藝尤精春秋爲人嚴整臨事有斷時年十九歲任曲阜主簿兩考滿陞縣令襲封文宣公後周廣順二年幸林廟召對復授曲阜令兼監察御史卒贈兵部尚書初孔末旣害光嗣自爲曲阜令時仁玉始生九月母張氏抱歸外家育之後魯人見其長訴於官事聞於朝乃罷末嗣仁玉

黃帝九十一世孔子四十四代孫仁王之子宜字不疑自幼穎悟十歲能屬文宋乾德四年詔為曲阜主簿奉祀事調黃州軍事推官時方平吳越參預兵機宣力實多太宗召遷司農寺丞考績有稱轉運使王明奏言忠行篤守法奉公乞擢居朝列委以事權入覲獻所著文賦太宗深嘉之特遷太子右贊善大夫襲封文宣公未幾通判高密還朝遷殿中丞宜之弟憲宋建隆初進士及第仕至尚書工部員外郎河東轉運使

憲之弟勗字自牧性淳厚少孤自立博學能文尤工於詩登雍

熙二年進士及第任曲阜八年以禮義化鄉黨以忠孝訓子孫祥符二年以太常博士知仙源縣主奉祀事歷官幾五十載以秘書監上章請退分司南京主管祖廟以工部侍郎致仕卒年八十九歲贈吏部尚書真宗改曲阜為仙源

黃帝九十二世孔子四十五代孫宜之子延世字茂先特賜同學究出身授曲阜主簿奉祀事陞閩縣令調長葛令真宗即位授曲阜令襲封文宣公

延魯知仙源縣事主管祠廟

延世弟延澤進士及第贈右諫議大夫

延澤弟延渥真宗東封幸廟賜同學究出身任清化令勗之子道輔字原魯舉進士爲寧州推官以手版擊殺天慶觀妖蛇合郡驚異服嘆知仙源縣事奉祀事天聖九年爲右正言上疏請太后歸政天子又廷奏樞密使曹利用御藥羅崇勳罪狀內外憚之使契丹契丹主酌以大卮曰天寒飲此可致和氣原魯曰不和固無害旣還言者以爲生事帝然之出知青州歷鄆徐許三州徙應天府除右諫議大夫御史中丞皇后郭氏廢原魯率諫官范仲淹宋郊孫祖德等伏闕奏皇后天下之母輕廢願賜對盡所欲言帝使內侍諭道輔等至中書令宰相呂彞

簡以皇后當廢狀告之原魯語彞簡曰大臣於帝后猶子事父母也父母不和可以諫之奈何順之乎彞簡曰廢后有漢唐故事原魯復曰人臣當道君以堯舜豈得引漢唐失德爲法耶彞簡不答卽奏言伏闕請對非太平美事於是出原魯知秦州頃之徙徐州又徙交州進龍圖閣直學士遷給事中復入爲御史中丞原魯性鯁挺特達遇事彈劾無所避出入風采肅然及再執憲權貴皆忌之爲宰相張士遜所陷出知鄆州行至韋城病卒天下莫不以直道許之皇祐三年王素奏對語及原魯仁宗思其忠特贈尚書工部侍郎累贈司空太尉開府儀三司

勗次子、良輔、性慷慨、有吏才、智畧過人、仕至大理寺丞、上章求退、上嘉其知止、授太子中舍、

勗少子、彥輔、幼聰敏、落筆成章、年十八、仕仙源主簿、以郊祀恩、授將作監主簿、父疾、懇求終養、事親十五年、衣不解帶、藥必親嘗、服除、官至國子博士、兼仙源縣事、奉祀、

黃帝九十三世、孔子四十六代孫、延世之子、聖佑、年九歲、賜同學究出身、真宗幸林廟、授太常寺奉祀郎、轉大理評事、襲封文宣公、知仙源縣事、遷贊善大夫、終太子中舍、早卒、

延澤子、宗愿、字子莊、天聖中以叔父道輔、廕補太廟齋郎、寶元

二年、授國子監主簿、襲封文宣公、知仙源縣事、至和二年、改封

衍聖公、累遷尚書北部員外郎、通判維州、

道輔子、舜亮、知仙源縣事、奉祀事、

舜亮弟、宗翰、事親至孝、進士及第、累知蘄密、陝、揚、洪、兗六州、終刑部侍郎、知仙源縣事、奉祀、

良輔子、宗壽、紹聖初、知仙源縣事、奉祀、

宗哲、授仙源縣丞、奉祀事、

敗性孤潔、喜讀書、有田百畝、遇歲饑、分所餘、周不足者、未嘗計有無、聞人之善、若出於己、動止有禮、人皆慕之、父喪、廬

墓三年。卧破棺中。日食米一溢。壁間生紫芝數十本。州以行義聞。詔賜粟帛。近臣薦授秘書省校書郎。致仕數年。召爲國子監直講。辭不赴。遷光祿寺丞。頃之起知龍興。辭卒。贈太常丞。

績五世孫。延之。與周濂溪友善。登慶曆二年進士。爲司對郎中。

卒。贈殿中丞。紫金光祿大夫。家於清江。故名。與四十五世同。

黃帝九十四世。孔子四十七代孫。宗愿之子。若蒙字公明。熙寧

初。任仙源主簿。主祀事。襲封衍聖公。元佑初。改封奉聖公。坐事

廢。自是詔令專主祀事。不任他職。每遇大禮。許赴闕陪位。

若蒙弟。若虛。字公實。元豐初。襲封奉聖公。卒時。復以若蒙長子。

端友嗣爵

道輔孫。舜亮子。若升。授仙源主簿。主祀事。爲沂州新泰令。嘗修

葺廟宇。贈朝奉大夫。

舜亮子。若谷。授仙源丞。主祀事。

若谷弟。傳。字世文。博極羣書。尤精於易。操行介潔。元祐政和間。

累仕於鄉。建炎初。與四十八代端友南渡。寓居衢州。率族拜疏。

闕下。叙家門故事。除知邠州。鋤豪伏。貪吏民畏服。知陝州。平鼎

豐寇。以功知撫州。建昌卒。開世文單車就道。至則帖然。仕至中

散大夫。贈中奉大夫。著孔子編年三卷。取左國史記諸書成之。

大成通志卷十二  
若古元祐四年任仙源主簿八年轉知縣主祀事  
宗愿少子若拙字公智登進士為金州司理叅軍  
宗穀子若初進士及第

若鑑金天會八年任曲阜主簿奉祀事  
七年改仙源仍為曲阜

延之七子文仲字經父少好學性捐介舉進士第又舉賢良方正范鎮薦於朝召試對策極言新法之害忤王安石見黜哲宗朝為起居舍人拜左諫議大夫上疏論青苗免役等法不便遷中書舍人有文集五十卷與弟武仲平仲又以文學知名天下

號曰三孔

武仲字常父舉進士為禮部第一元祐初為秘書省正字累遷司業侍講邇英殿起居舍人數月拜中書舍人直學士院擢給事中遷禮部侍郎出知洪州移宣州坐元祐黨奪職居池州著有詩書論語說金華講義等百餘卷

平仲字毅父舉進士元祐中入文館遷京西提刑坐黨籍謫知韶州又謫惠州別駕徽宗即位詔遷為戶部郎中出使陝西精史學著續世說行於世

黃帝九十五世孔子四十八代孫若蒙之子端友字子交崇寧

三年襲封改衍聖公勾管祀事宜和三年特轉通直即除直秘閣建炎初偕叔父傳姪玠扈從高宗南渡寓居衢州紹興二年知郴州卒於官姪玠嗣爵

端友弟端操以兄南渡留守祖庭金初襲封衍聖公

慶按端友一宗寓衢襲六世端操一宗在金襲六世至治罷襲以適長嗣封蓋端字以來凡六世兩襲衍聖公

端操弟端立權襲衍聖公

若升子端木字子工宣和四年徽宗幸太學詔大臣先聖後有在學者特賜進士第自今為始召見端木賜上舍出身建炎三

年十月南渡明年八月特差徽州黟縣令紹興初召試館職歷秘書郎著作左郎司對員外郎終朝散郎知臨江軍家於徽傳之子端問篤學工詩仕仙縣丞主祀事兼洪州奉新縣丞著州集

傳次子端已侍父渡江歷官五十年介潔不污終奉議郎年八十一贈少保

傳少子端直字子固居官介潔宰鄂之通城有聲稱家於鄂

端肅篤志好學不樂仕進金翰林党懷英舉端直間居鄉里年德具高雖不習舉業讀書養道該通古今堪任監學明



昌四年召賜進士及第補蔣仕郎以老乞歸  
宗翰孫忱之子堦任仙源縣主祀事

黃帝九十六世孔子四十九代孫端操之子璠字文老金天眷  
三年襲封衍聖公於魯勾管祀事贈榮祿大夫

端操次子玠字錫老宋紹興二年襲封衍聖公於衢  
端問子壽篤學能文終從政郎彰州錄事參軍著吏事總龜

瑋學博才優尤工翰墨為廟學正金貞祐二年賜同進  
士第招遠主簿

端慎子璿建炎二年侍父渡江乾道五年錄孔氏後賜官迪功

郎家鎮江

璫金皇統二年任曲阜主簿奉祀事

璫金皇統五年任曲阜主簿奉祀事

致金天德二年以忠勇校尉任曲阜尉

平仲孫彥況仕宋監南康稅院遂居於吉水

黃帝九十七世孔子五十代孫璠之子拯字元濟金皇統二年

行省谷文宣王四十九代孫璠襲封未施行間身故自古襲封

不限年齒男拯當襲封奉勅年七歲襲封衍聖公勾管祀事終

通直郎

璠次子揆字元會金大定三年襲封衍聖公勾管祀事二十二年世宗召赴闕下留用力辭專奉祀事特授曲阜縣令襲封之後嚴潔祭祀敦篤親族率佃戶之東蒙山採木增修林廟五十餘間終奉直大夫卒贈光祿大夫

玠之子摺字季紳宋紹興二十四年襲封衍聖公於衢

擢性純古通經術金大定二十二年進士及第授掖縣令章宗以聖人後特授太學助教終刑部都事

摭廟學正

摭廟學正

元龍志尚篤學從真西山游晚年授迪功郎制曰爾著

書立言諸老所推賢可知矣以宣教郎致仕年九十手不失卷有阿山講義論語集說魯樵斐藁奏議叢壁卒之日門弟子三百哭之私謚曰文介後贈太子少師

拱少孤好學有義方鄉里賢之有西山草堂集村居雜

興集

附論曰自吾夫子四十一代來仰希十世聖裔雖曰大聖宗風不容多得然得之者以視尋常蓋差勝云誦習涵詠間明經莫如温如莫如傳莫如擢篤好莫如文仲武仲平仲莫如

大成通志卷十二  
端問、端肅、端甫，莫如元龍；莫如璿、莫如拱博，莫如勗、莫如瑋。其盡性協情於君父民物，介潔惠義於隱見出處者，忠莫如道輔，忠烈莫如宗旦，孝莫如宗翰，大孝莫如彥輔，介潔莫如端已，端植介潔而多善政，亦推勗與傳與夫宗翰，慷慨莫如良輔，周急莫如收，高隱克孝，亦莫如收，要之皆有光於聖門者，而道輔及勗，收傳其賢者也。

黃帝九十八世孔子五十一代孫，愔之子元措，字夢得，年十有一歲，金章宗昌平二年襲封衍聖公，勾管祀事，特旨視四品授中議大夫，以後襲封，并準此例。安承二年，勅衍聖公年及十七

兼曲阜令，仍許世襲。於是始世襲曲阜令。宣宗貞祐二年，勅授府判尚書省，奏若正授是職，適當多事之際，姑且遙授。令勾管祀事，平章高琪曰：若隨朝除授，恐曠祀典，可與附近州府職事。以此授東平府判，又旨當土寇未寧，若河北職事因而遇害，恐失聖人之後，如今與隨朝職事。遂授太常博士，遷太常丞。元光初，授同知集賢院，兼太常丞，轉知集賢院。天興初，遷泰定軍節度使，交州觀察使，兼行太常少卿。二年，遷光祿大夫，改授太常卿。癸巳年，元陷汴梁，取還東平，依舊主奉祀事。元措從弟拂之次子元用，字俊卿，理宗寶慶初，授通直郎，權封

衍聖公世襲仙源令二年改濟州通判兼京東西道安撫司元  
太師統諸道兵至承制襲封衍聖公兼襲曲阜令給印

楷之子文遠字紹先宋熙寧四年襲封衍聖公於衢

壽之孫攄之子應選字舜舉與弟應發自為師友博通經書淳

祐七年賜同本科出身授迪功郎

元龍子應得淳祐初理宗幸太學賜同進士出身終端明殿學  
士僉書樞院事

拱之子文樸寶祐初及第以先聖後特旨授修職郎終奉議郎

■ ■ 煒慶元二年及第終朝奉郎兵部郎中知端州

黃帝九十九世孔子五十二代孫元用之子之全字工升權襲  
封衍聖公曲阜令原元措隨宣宗越九年元措還正授衍聖公  
之全克曲阜令

文遠子萬春字耆年襲封衍聖公於衢

■ ■ 元善宋寶慶二年進士及第終儒林郎

■ ■ 慶斗明經修行景定三年進士及第有著述

黃帝一百世孔子五十二代孫之全子治字世安初權父職克  
曲阜管民長官中統初改曲阜令四年權主祀事至元十三年  
授承事郎曲阜尹兼管諸軍二十二年授奉訓大夫單州防禦

使二十九年遷奉直大夫密州知州元貞初特授中議大夫襲封衍聖公子思誠罷封改封適長  
萬春之子洙字景清宋季襲封衍聖公於衢元世祖平宋疑所立或言寓衢宗子也洙奉召赴闕辭爵遜於居曲阜者世祖曰寧違策而不違祖具聖後也遂命爲國子祭酒兼提舉江東學校自端友至洙南襲封止於六世  
搃曾孫之固子湏元憲宗初繼伯祖元措襲封八年族人攻之褫其爵罷爲維州尹自端操至湏北襲封凡六世於是以端操之後襲封三世而端立之後嗣爵焉

竈發由太學及弟仕文林郎處州軍事判官

黃帝一百一世孔子五十四代孫若愚仍孫浣之子思晦字明道天資穎秀讀書卽識大義至大中舉孝廉授范陽教諭改寧陽仁宗卽位訪孔子後時謂思晦嫡長應嗣延祐三年授中議大夫襲封衍聖公給四品印泰定四年進封嘉議大夫至順二年改鑄二品銀印卒年六十有七其日羣鶴翔鳴舍上神光自東南降其舍北贈通奉大夫追封魯郡公諡文肅

思誠元至元中襲曲阜縣尹大德五年陞國子監丞歷安慶路推官陞知息州湖北憲司僉事皆未赴

思凱由國子生襲曲阜縣尹奉祀事

思遵三氏學教授終嘉祥縣尹

思立拜御史歷省臺錫金綺歷至知經筵事

思永廟學正至東平路同知

思賁二氏學教授

思逮金世宗大定初由曹州教授轉曲阜尹奉祀事歷

大樂署令陞太常禮儀院判著大元樂書

黃帝一百二世孔子五十五代孫思晦子克堅字璟夫性敏學

博善詩詞尤工樂府至元六年授嘉議大夫襲封衍聖公至正

八年詔公之爵與階不稱制授中奉大夫易以銀章十六年徵

為同知太常禮儀院事陞集賢直學士十九年遷禮部尚書又

擢為西臺侍御史二十二年除國子祭酒謝病還家二十六年

明太祖手詔入覲待以賓禮而不名洪武三年告疾遣中使存

問日再至疾篤召驛傳還家生九子

克欽元元統初襲曲阜縣尹奉祀事

克帶明洪武十五年襲曲阜世職知縣

克表温州平陽籍博學篤行元至正戊辰進士洪武六

年徵為翰林修撰

克昌由大常寺禮儀院照磨武備寺知事金章宗承安二年任曲阜令奉祀事

克仲博學能文尤工於詩元末兵亂流離中奉親至孝及明初負親歸里襲曲阜世職知縣清慎自守招撫流移睦恤宗族修葺廟林

克中明永樂九年襲曲阜世職知縣

克晏明天順八年廟學正

克煦明成化三年廟學正

黃帝一百三世孔子三十六代孫克堅之子希學字士行明敏

好學尤工漢隸元末授中奉大夫因其父入仕於朝以希學襲封衍聖公明洪武初入朝召對上嘉之每入朝班列上相其初至京師中使慰勞館餽牢醴一日上問去先師幾何年對曰幾千年上曰世代綿遠如此而人尊敬如一日只爲夫子明綱紀興禮樂正彝倫所以爲帝者師傳至萬世其道不可廢也授以資善大夫襲封如舊卒年四十有七朝廷諭祭自後每代皆遣官諭祭

希大字士功襲世職從事郎曲阜縣尹至正十八年改秘書郎辟中書省掾承直郎翰林院都事調承德郎太宗政府

都事明初改承事郎襲曲阜縣尹

希章元至正三年襲曲阜尹

希聖三氏學教授終都漕運司知事

希勇襲曲阜知縣

希文明洪武十七年襲世職知縣

希學弟希範明洪武二十八年襲世職知縣

黃帝一百四世孔子五十七代孫希學之子訥字言伯篤學恭謹善詩書將襲爵時以國哀入覲太祖曰訥真聖人子孫賜膳光祿命禮官館於太學遣尚書劉仲質勞問日繼庖廩復賜衣服

鈔錢洪武十七年拜襲封之命受誥大廷百僚班列仍勅禮官以教坊樂引導至太學七官率諸生迎於成賢街觀者莫不嘆賞明日入謝復賜襲衣宴於禮部上曰既爵公勿事散官誥以織文玉軸為異遂為故事每入覲得給侍乘傳班列文官之首厚其廩餼以及僕從皆特典也

諤字貞伯永樂戊子以儒士舉於鄉時年二十二歲明年入試擢乙榜第一上曰我朝孔門子孫未有出仕者今此人何不取進士對曰考試至公不敢私吏部請授職上曰諤年少俊偉務着中進士命冠帶送國子監肄業未幾春坊左中允



員缺上顧東宮官曰春坊中允幾品對曰正六品曰着孔諤做  
教皇子諸王賜宅第一區及器皿諸物師道嚴正一無所阿轉  
大理評事改雲南道監察御史巡按江西遼東所至風紀振肅  
終河南按察司僉事著中庸補註三篇舞雩春風集二十卷

信永樂丁卯舉於鄉由禮科給事中轉大理左少卿

諡景泰癸酉舉於鄉授宿州學訓

論景泰元年龔表世職知縣

論三氏學錄

謳景泰丙子舉於鄉由國子監學正進朝列大夫

諡成化丁酉舉於鄉授河間知縣

燮成化八年龔表曲阜知縣

黃帝一百五世孔子五十八代孫訥之子公鑑字昭文生而穎  
異長益端謹嗜學老篤洪武二十三年龔封衍聖公

公鑑弟公鐘明宣德九年龔世職知縣

公恂字宗文少聰敏正德甲子舉於鄉景泰甲戌登進

士廷試聞母疾未入上知之曰聞疾而未有訃音可入對俾錦  
人賚金牌召之及入時已報午條對切中時政登二甲前聞憂  
歸服闋授禮科給事中時詹事府缺左右少詹以公恂司馬恂

授之上謂孝肅太后曰朕為女子得賢臣為輔孔公恂聖人之後也司馬恂賢人之後也太后具服謝之憲宗初改大理寺左少卿封中順大夫未幾復少詹事兼左諭德丙戌言事出知漢陽庶寅復少詹事卒於官朝廷遣官諭祭

公怡字友文天順己卯舉於鄉程其文以為式成化壬辰歲大禋宗族衆多父子不相保公怡請粟於都憲遂得賑恤族人千餘口活於危亡之日皆公怡力也嘗謂孝經乃聖人教人第一義後儒穿鑿竄易使聖人心法晦蝕乃尋文究義未及訂証而卒

公都自幼好學富而不驕宗族窮困者量其事而賜之路有以急迫告者即解衣付之天順三年鄰封饑出粟千餘石散於衆曰此天厚我何為吝於已憲宗幸學應詔觀禮賜宴賜衣賜次子彥禧為太學生成化乙酉淮南大禋公都載麥千斛往輸於官具奏賜承仕郎歲給輿皂肉米

公統正德十一年襲世職知縣

公璜世職學錄修理祖廟塋墓考正家門典故有文集

公錫明天順五年由舉人襲世職知縣加交州府通判仍管祀事

公珏嘉靖十一年由監生襲世職知縣

公杰三氏學教授兼學錄

公鉉三氏學教授

公澤嘉靖二十一年襲世職知縣

黃帝一百六世孔子五十九代孫公鑑之子彥縉字朝紳三歲而孤母胡氏教育十歲入京襲封衍聖公名字皆仁宗命之也館之太學禮待甚厚及入賀詔衍聖公來朝與正一品衣服一套鈔二千貫下程羊酒後依此例又賜第於東安門北景泰二年上幸太學詔三氏子孫觀禮賜冠帶錦衣越三年朝會復賜

三臺銀印玉帶織金麒麟衣文視一品皆異數也卒年五十有五命禮部治喪工部治墳

彥麟景泰丙子鄉薦歷靈璧知縣

彥祿成化戊子鄉薦任裕州知州七多豪強下車繩其

渠魁郡皆肅然振民窮困導以農桑民親之如父母卒於官男女巷哭罷市父老白餘扶觀之闕里有呂姓者獨不歸人問之泣曰公活我恩未報願留供香火呂沒其子承懿禮葬之人重呂之義而多彥祿之德祀於鄉

彥伴由貢任定海訓教訓生徒講明義理不受束修陞

高陽教諭門弟子送數百里泣別

公綬子彥士成化丁酉舉於鄉弘治二年襲世職知縣

彥衢襲世職學錄

彥佩襲世職學錄

彥繩世襲翰林院五經博士

黃帝一百七世孔子六十代孫彥縉之子承慶六歲喪母事父

及繼母盡孝既長從三氏學錄克晏學所著有禮亭吟未襲爵

卒贈衍聖公

承夏正德五年由監生襲世職知縣九歲喪父甚哭哀

見者慟之既長躬耕事母七疾衣不解帶老累月卒廬墓側朝

夕哭如初喪朝廷旌表

承厚隆慶初由廩生襲世職知縣天性篤孝父母相繼

捐館哀毀幾於殞生及葬廬各三載朝夕哭奠兩院以孝行奏

聞授曲阜知縣

承懿慷慨正直嗜子史行文落筆成章斂跡沂上不入

城市雖祁寒盛暑手不失卷性不嗜飲惟酌鄉人竟日不肯去

真隱君子也卒年七十有五著橋梓聯編

承泗正德初襲世職知縣

承震嘉靖初由舉人襲世職知縣

承業嘉靖二十五年襲世職知縣

承鎬襲世職學錄

承作襲世職學錄

承飲襲世職學錄

附論曰先聖苗裔至五十一代來繁衍稱盛至稽其家學承繼道脉不墜僅七有如此也雖曰生齒繁而聖學如線卽或獲數人又何多遜於昔哉以稽其經明行修如克伸者其學也博事親也孝奉先也敬涖官而治民也清而慎庶乎其賢者也如公璜其學博而敦本凡敬而勤而文亦是稱矣下此之學如克堅則以博名如承慶則以著名如諤則以博而著名如希學如公都如承懿皆以好學名而都尚能積而散爲人所難以云盡孝如承夏生事盡禮死祭盡禮及葬慕於側三年後有承厚哀慕亦如之以言政事如思迪則以清刑罰稱彥祿則以多善政稱洵是其表也者已

黃帝一百八世孔子六十一代孫承慶之子弘緒字以敬景泰三年襲封衍聖公時僅八歲延入內宮特賜金鈕麒麟圖書御篆謹禮崇德四字

按程敏政與孔公弘緒皆南陽李相國賢壻兩喬素不相能故程氏著聖裔考謂南宗為嗣爵之人北宗疏且遠者直斥封爵不當闕里

慶見敏政前上疏議黜先賢先儒今因與行聖公小有不合屢言巧辯正宗與非正宗以向黜祀賢儒之心與茲廢襲之心觀之敏政之心術不知有先聖孔子之教日已久矣且廢祀廢襲是直欲廢學也夫天下之人尚有終日學而不歸於理道者況不學而能之乎如以敏政之心幾令萬古為長夜矣陰險若是豈僅為聖門操戈哉

弘緒弟弘泰成化五年以姪聞韶尚在襁褓不任祀事繼兄權襲衍聖公天順六年英宗復位詔賜第湫隘以大第易之

弘廊嘉靖四十三年由歲貢襲世職知縣

承英子弘復萬曆初由廩生襲世職知縣陞濟寧知州封奉直大夫仍管縣事尋陞東昌同知轉山東鹽運司同

弘實貧而孝父母卒皆廬墓三年

弘幹魯府審理正進階奉議大夫有著作

黃帝一百九世孔子六十二代孫弘緒之子聞韶字知德弘治十六年襲封衍聖公

弘泰子聞詩弘治十六年襲翰林院世襲五經博士

聞韶弟聞禮正德初襲翰林院世襲五經博士

弘文子聞諭性至孝父病日夜侍側卒哀痛盡禮既葬盧墓三年巡方聞之以禮幣存問朝廷旌表

聞評襲世職學錄

聞諫襲世職學錄

黃帝一百一十世孔子六十三代孫聞韶之子貞幹字用濟嘉靖二十五年襲封衍聖公歷十年入賀卒於第上命禮部侍郎袁煒諭祭行人何燿護喪歸葬

貞幹弟貞寧嘉靖二十五年襲翰林院世襲五經博士

貞教萬曆四十三年由廩生襲世職知縣

聞野子貞叢萬曆二十七年由廩生襲世職知縣陞忻州知州東昌府同知轉山東鹽運司同知俱仍管祀事尋陞運使

黃帝一百一十一世孔子六十四代孫貞幹之子尚賢字象之嘉靖三十五年襲封衍聖公天啟元年入賀卒於賜第上命禮部尚書孫慎行諭祭行人盧時泰護喪歸里邵捷春營葬

尚坦

尚遠

尚任 大清授學錄

黃帝一百一十二世孔子六十五代孫尚賢之子胤春字懋齡

天啟二年襲封衍聖公加太子太保五年幸太學陪祭

尚坦子胤植天啟四年襲封衍聖公加太子太保五年陪祭

胤椿弟胤桂萬曆二十二年襲翰林院世襲五經博士

尚遠子胤隆天啟二年襲翰林院世襲五經博士

胤禎於 大清襲弘文院五經博士

胤鈺於 大清襲太學寺五經博士

胤淳於 大清襲曲阜知縣兼兗州府通判

胤齊於 大清授國子監學正



黃帝一百一十三世孔子六十六代孫  
子毓圻於我

清襲封衍聖公

毓麟於 大清襲弘文院五經博士

毓瑛於 大清襲弘文院五經博士

世家誌曰開天啟類肇自有熊胙土錫姓始於殷商微子分

國而繼別嘉父吹律而定氏迨夫子生而上承鼻祖下啟雲

孫邈春秋而下歷年三千奕葉七十說者謂其萬世為土繼

衰周而為素王不虛耳其嫡長之胤代膺茅封小者通侯大

者元公宗盟之雋世掌花縣寄命百里兼攝九族襲慶承休

寧有極乎若翰博主沂國之學錄端鱣堂之模族長舉事

稱子姓之祭酒亦代七相衍者

附論曰三五以上道在帝王行之天下春秋之世道在夫子

行之萬世然夫子之道家學承授亦自不偶其始也軒轅開

之契湯繼之其後也伯魚子思承之子魚子國繼之而舒元  
 仲達諸儒綿衍之於今千有餘祀尚有異於聖裔出而振衰  
 救弊以維斯道於昭明猶是聖七相傳之道統終不墜矣

尊亦對平魯德制王武國之乎學於誠圖空之對於身學非  
 普云公宗盟文萬世掌本無者命百里乘帶式然其學承不  
 身固而為者王不其其辭身之州外其來柱小昔張外入  
 紅與春林而于聖爭三千奕葉子十萬皆隨其萬世為土  
 四而繼其文如幹而與之立六子生而土本其取下  
 世宗詰曰開天胡職學日成其和士也

十二卷終

